

*T. tenuifolium* Hp. — In humidis circa Pod Gliva et Pridvorce prope Trebinje (H.).

*T. minimum* Helder. in *Herb. norm. graec. Nr. 796.* — *Syn. Leontodon* Juss. sec. Helder. — In apricis circa Trebinje (H.).

*Willemetia apargoides* Cass. — In pratis vallis Peručica dol infra Kom et in monte Sinnjavina Planina (M.).

*Zazintha verrucosa* G. — In apricis circa Cattaro (D.), et Trebinje (H.).

*Lagoseris bifida* Kch. — In graminosis circa Pod Gliva prope Trebinje (H.).

\**Gatyonia Dioscoridis* Rehb. var. ? *glandulosa* Gr. — Pedunculo involucrique dense glanduloso. — Verosimiliter species distincta, stigmatibus fusciscentibus, specimen vero solummodo unicum exstat idque floriferum capitulo solitario, pedale, caesio-glaucum, foliis rosularibus puberulis pinnatipartitis, inferioribus caulisque in segmenta elongata subulato-lineararia divisus, exteriorum segmentis breviter ovato-oblongis angulato-dentatis, involucri glandulis stipitatis pubis evanidae vices gerentibus : sed in specimine graeco quoque *G. Dioscoridis* involucrium parce glanduliferum video. *Endoptera* DC. *Gatyonae* cedit : nam sectio *Gatyonae* altera (*Nemauchenis*) melius ad *Barkhausiam* transfertur. — Hab. in graminosis sylvaticis circa Dubovac prope Orahovac in Bjelagora (H.).

*Barkhausia foetida* DC. — In pratis circa Danilov Grad (M.).

*B. vesicaria* Sprg. — In graminosis circa Pod Gliva prope Trebinje (H.).

*B. setosa* DC. — In graminosis circa Cattaro (D.), Dubovac in Bjelagora (H.), Cetinje et Rieka (M.).

*B. leontodon* DC. — Stigmata et in nostra et in gallica italiceque planta fusciscentia, (non flava, ut habet Grenier). — In graminosis circa Billeki (H.).

*Crepis lodomeriensis* Bess., Rehb. — Stigmatibus bruneis a *C. bienni* differt, capitulo ejus magno et involucri foliolis inferioribus intus sericeis a *C. nicaensi* Balb. — Folia sparsim hispidula infra apicem integrum runcinato-incisa. Eadem hinc inde crescit in Germania boreali, ubi *C. bienni* folia glabra. — In sylvaticis vallis Peručica dol infra Kom et circa pagum Kovčice infra Mali Durmitor (M.).